



REPUBLIKA E SHQIPËRISË
MINISTRIA E MJEDISIT

Nr. 8350/ Prot.

Tirane, me 22 . 12 2016

DEKLARATE MJEDISORE
per Vleresimin Strategjik Mjedisor

Ne mbeshtetje te Ligjit Nr. 91, date 28.02.2013 "Per vleresimin strategjik mjedisor" dhe akteve nenligjore qe rrjedhin prej tij, Ministri i Mjedisit, leshon kete Deklarate Mjedisore per:

Projekti: Plani i Pergjithshem Vendor per Bashkine Tirane

Kerkuesi: Bashkia Tirane

Kufijte e zones qe mbulon plani: e gjithe siperfaqja e bashkise Tirane se bashku me njesite e saj administrative.

Perdorimi i deklarates mjedisore

Deklerata Mjedisore nuk perjashton detyrimin qe per projekte te vecanta te parashikuara ne kete Plan t'i nenshtrohen kerkesave te legjislacionit ne fuqi per vleresimin e ndikimit ne mjedis, per lejet e mjedisit dhe akteve te tjera normative ne fuqi.

Qendrimi i Ministrise:

Plani i propozuar ne parim perputhet me objektivat e mbrojtjes se mjedisit dhe zhvillimit te qendrueshem.

11

Duke realizuar nderhyrjet e duhura hapësimore dhe duke zbatuar të gjitha masat e nevojshme zbutëse, të gjitha grup-projektet janë të pranueshme nga këndvështrimi mjedisor.

Perfshirja efektive e grupeve perkatese të interesit ka kontribuar në cilësinë e vlerësimit, ka sjellë të dhëna për analizën dhe raportin e VSM-se dhe do të mbështesë zbatimin e planit pas miratimit të tij, si dhe do të kontribuojë në një pranim më të lehtë dhe më të zbutur të projekteve perkatese.

Ndikimet e mundshme në mjedis të planit

Gjate zbatimit të projekteve/veprimeve, priten të ndodhin impakte pozitive dhe negative. Impaktet pozitive priten për ajrin dhe ndryshimet klimatike si edhe për popullatat dhe asetet materiale. Vlerësimi i rezultateve tregon se nuk do të ketë impakte mbi faktorët klimatike duke konsideruar që mjetet e transportit do të vijnë të rinovohen në të ardhmen edhe më tej, gjë që do të sjellë si pasojë përmirësim të cilësisë së ajrit dhe cilësisë së shëndetit human, midis të tjerave. Për më tej në pjesën pozitive të impakteve mbi popullatën dhe asetet materiale do të vijë si rezultat i zbatimit të infrastruktures në përgjithësi që do të bëjë të mundur pakësimin e kohës së udhëtimit, sigurinë në lëvizje, përafrimin me tregjet dhe qendrat kryesore urbane dhe shërbimet publike në përgjithësi.

Përgjithësisht, shumica e impakteve negative janë të lidhura me fazën e planifikimit (pozicionimi i infrastruktures në hapësirë dhe përgatitja e kushteve teknike të përshtatshme), pasi Shqipëria ka vecori të theksuara diverse dhe të shumta nga ana natyrore, kulturore dhe peisazhi që mund të ndikohen konsiderueshëm prej zhvillimeve të infrastruktures, sidomos atyre me shtrirje të gjera dhe korridoreve sipas sektoreve (transport, energji, ujë, etj.). Impaktet negative shfaqen në fazën e planifikimit prej aspekteve të përdorimit të tokës, efekteve në ujë, natyrë (si biodiversiteti edhe zonat me status të mbrojtur), trashëgiminë kulturore dhe peisazhin. Këto impakte do të kërkojnë krijimin e një programi bashkëkohor mbi masat zbutëse dhe një zbatim të përshtatshëm të këtyre masave. Impakte negative mbi shëndetin human mund të ndodhin për shkak të rritjes së ndotjes nga zhurmat dhe impaktet në cilësinë e ajrit, vecanërisht në zonat me densitet të lartë banimi ku do të përqendrohen edhe një seri veprimesh në territor të ngushtë dhe kjo do të ndikojë kryesisht në fazën e zbatimit të projekteve specifike.

Vlerësimi i përputhshmërisë së objektivave:

Jane përcaktuar dy objektiva strategjik kuader për mjedisin, në të cilët duhet të fokusohet zhvillimi i bashkësive gjatë viteve të ardhshme në mënyrë që të garantohet mbrojtja e mjedisit.

Objektivi i parë është përmirësimi i cilësisë së mjedisit urban.

Objektivi i dytë është ruajtja e burimeve natyrore dhe shfrytëzimi i qëndrueshëm i tyre.

Secili nga objektivat ka nevojë për zhvillimin e një sere programesh për mjedisin që duhet të zbatohen më tej në fazat e ndryshme të zhvillimit të Tiranës. Me qëllim që të përmbushen

standartet ligjore per mjedisin, keto programe nuk fokusohen vetem ne drejtim te planifikimit hapsinor por edhe ne drejtim te masave menaxheriale qe nevojiten per permbushjen e detyrimeve ligjore dhe garanton mbrojtjen e mjedisit. Nje pjese e konsiderueshme e masave per mbrojtjen e mjedisit mund te realizohen vetem nepermjet zbatimit te kuadrit ligjor ne fuqi.

Detajimi i masave per mbrojtjen e mjedisit:

Me qellimin per te shmangur, minimizuar, kontrolluar dhe menaxhuar ndikimet negative ne mjedis te planit ne te gjitha fazat e tij duhet te zbatohen me perpikmeri te gjitha masat e meposhtme.

- Te hartohet Programi i Monitorimit Mjedisor gjate zbatimit te planit, me synim mbledhjen e te dhenave per ndikimet konkrete dhe pasojat ne mjedis gjate zbatimit te tyre, si dhe verifikimin e ndikimeve dhe marrjen e masave zbutese shtese, qe duhet te zbatohen per te garantuar mbrojtjen e mjedisit. Ky plan te hartohet brenda 6 muajve nga marrja e Deklarates Mjedisore dhe te merret miratimi i autoriteve pergjegjese per mbrojtjen e mjedisit.
- Bashkia Tirane, nen mbikqyrjen e Agjencise Kombetare te Planifikimit te Territorit, qe zbaton dhe mbikqyr zbatimin e planit te hartoje nje raport vjetor per masat e marra per mbrojtjen e mjedisit gjate zbatimit, te cilin duhet ta dergoje prane Ministrise se Mjedisit jo me vone se java e fundit e muajit nentor.
- Me qellim lehtesimin e realizimit te programit te monitorimit mjedisor te planit mund te perdoren programe ekzistuese monitorimi, qe perputhen me qellimin e programit te monitorimit mjedisor te planit.
- Projektimi i objekteve te bazohet ne parimin e teknologjise me te mire te disponueshme, e cila eshte efciente ne perdorimin e energjise, si perdorimi i teknologjive izotermike te ndertimit per cdo objekt te ri po keshtu edhe ato te minimizimit te perdorimit te ujit.
- Politikat dhe aktivitetet infrastrukture te parashikuara ne Plan te sigurojne kohezion, efikasitet dhe qendrueshmeri dhe rritjen e perfitimeve per perdoruesit e kesaj infrastrukture.
- Plani duhet te nxite realizimin e projekteve te impianteve te trajtimit te ujrave te perdorur urbane dhe ne nje shkalle me te gjere duke e shtrire kete mase edhe ne aktivitete e tjera industriale qe krijojne shkarkime ujrash industriale te ndotura dhe qe ndikojne sidomos ne cilesine e ujrave siperfaqesore dhe nentokesore. Te projektohet infrastrukture bashkekohore dhe afatgjate te kanalizimeve te ujerave te ndotura urbane.
- Te mbrohen vlerat natyrore te zonave ne te cilat shtrihet studimi dhe te shmangen ne maksimum demtimi i siperfaqeve me vegjetacion natyral.
- Projektet specifike duhet te projektohen ne harmoni me kuadrin ligjor per mbrojtjen e natyres, duke respektuar shkallen e mbrojtjes se zones apo nenzones se mbrojtur ku do te nderhyhet, si dhe statusin e llojeve dhe habitateve qe gjenden ne zone, si dhe te komunikohet/bashkepunohe me AKZM per te marre masat e domosdoshme per mos cenimin e statusit te ketyre zonave.

- Gjate fazes se projektimit dhe sidomos perpara nisjes se fazes se zbatimit te projekteve/aktiviteteve specifike individuale te Planit duhet te perfshihen masa qe do te lehtesojne ruajtjen e korridoreve te kafsheve migratore. Ne rastin kur projektet qe do zbatohen mund te prekin zona te Mbrojtura apo mund te ndodhen ne afersi te tyre.
- Plani te marre masa per promovimin e transportit publik te pasagjereve qe te kontribuojne ne pakesimin e shkarkimeve ne ajer.
- Te zbatohen masa zbutese per zhvillimin e infrastruktures, gjate rehabilitimit/ndertimit duhet te parashikojne edhe mbrojtjen nga ndotja e ajrit dhe zhurmat duke aplikuar „best practices“. Ne asnje rast nuk duhet te projektohet brenda, por as ne afersi te territorit te zonave te mbrojtura kur impaktet nga shkarkimet ne ajer dhe zhurmat ndikojne ekosistemet dhe habitatet e llojeve nen mbrojtje. Promovimi brenda dhe ne periferite e zonave te mbrojtura duhet te jete ngritja e infrastrukturave te lehta qe mbeshtesin aktivitetet pa makina, ne drejtim te sporteve dhe aktiviteteve ne natyre.
- Hartimi i planeve te menaxhimit te trafikut krahas prioritizimit te zonave te gjelberta publike, duhet te paraprijne planet urbane te zhvillimit dhe te kene objektiva te matshme per cilesine e ajrit.
- Te merren masa per mbrojtjen dhe mos demtimin e burimeve ujore qe gjenden ne zonen ne studim.
- Ne kuader te planifikimit te menaxhimit, vemendje e vecante te kushtohet per integrimin e zonave te sigurise nga permbytjet dhe atyre ligatinore, nderkohe qe masat e pyllzezimit te synojne stabilizimin e humbjeve e tokes nga permbytjet (te zbatohet duke perdorur lloje te bimesise autoktone qe i rezistojne edhe permbytjeve).
- Para fillimit te zbatimit te projekteve te zgjidhet ceshtja e administrimit te volumit inert qe do te gjenerohet nga operacionet ndertimore.
- Plani duhet te parashikojte kapacitete me te medha per landfillet ekzistuese dhe se pari ndertimi i landfilleve te reja teknologjike duhet te paraprije investimet ne kete.
- Ne teresi, projektet specifike duhet te projektohen ne harmoni me standartet e ruajtjes se peisazhit dhe mbrojtjen e trashegimise kulturore, ku se bashku me elementet e cilesise se mjedisit te jene paresore duke aplikuar „best practices“.
- Gjate implementimit te planit te vihen ne zbatim masat zbutese e propozuara ne raportin e VSM-se per minimizimin apo shmangien e ndikimeve negative ne mjedis.

Gjithashtu Bazuar ne masat e percaktuara ne Raportin e VSM Bashkia e Tiranës duhet te hartojte dhe zbatoje ne nje kohe sa me te shkurter por jo me vone se dhjetori i vitit 2017:

- Planin e veprimit ne mjedis ne perputhje me kerkesat e ligjit kuader per mbrojtjen e mjedisit.
- Planin Vendor te Mbrojtjes se Cilesise se Ajrit ne Bashkine e Tiranës
- Planin Vendor te Menaxhimit te Zhurmave ne Bashkine e Tiranës
- Planin e Menaxhimit te Mbetjeve Urbane, perfshire dhe programin e grumbullimit te diferencuar te mbetjeve;
- Planin e menaxhimit te pyjeve dhe kullotave ne territorin e Bashkise Tirane
- Hartoje dhe zbatoje planin e menaxhimit te trafikut urbane.
- Te hartojte statistikat e mbetjeve ne perputhje me VKM-ne perkatese

- Brenda majit 2017 te percaktoje zonat per depozitim e perkohshem te mbetjeve inerte ne teritorrin e Bashkise ne perputhje me kriteret e Vendimit te Këshillit të Ministrave nr. 575, datë 24.6.2015 Për miratimin e kërkesave për menaxhimin e mbetjeve inerte”. Ne cdo instrument te zbatimit te planit, dhe posacerisht ne lejen e ndertimit duhet te percaktohet volumi i mbetjeve inerte dhe vendi ku do te depozitohen si dhe detyrimi i subjektit per te raportuar transfertat e mbetjeve prane Agjencise Kombetare te Mjedisit (AKM);
- Cdo fund viti (dhjetor) te raportoje prane Ministrise se Mjedisit dhe Agjencise Kombetare te Mjedisit subjektet e licensuara dhe pajisura me leje ndertimi ne teritorrin e Bashkise Tirane (me qellim qe te inspektohet menaxhimi i mbetjeve inerte)
- Te percaktoje rregulla per mbrojtjen e mjedisit nga veprimtaria ndertimore dhe te sigurohet qe subjektet e ndertimit jane te pajisur me lejet dhe licensat perkatese qe kerkohen nga legjislacioni mjedisor;
- Te zbatoje normat e rregullores dhe kriteret e legjislacionit te planifikimit gjate hartimit te Planeve te Detajuara vendore perfshi dhe koeficientet e gjelberimit;
- Te plotesoje korsite e bicikletave ne perputhje me percaktimin ne Planin e Pergjithshem Vendor;
- Te hartoje dhe zbatoje programe per ndergjegjesimin mjedisor ne teritorrin e Bashkise Tirane;
- Te ruaj dhe zhvilloje zonat e gjelberta ne perputhje me percaktimet ne Planin e Pergjithshem Vendor;
- Te nxise dhe realizoje investimet ne infrastrukture dhe teknologji qe ndikojne ne permiresimin e cilesise se mjedisit si, sistemin e transportit; trjatin e ujrave te zeza, efencen e energjise dhe teknologjine e mbrojtjes nga zhurmat ne rruge e objekte;
- Te nxise transferimin e veprimtarive ne zonat urbane me ndikim mbi normat e lejuara ne mjedis (si gomisteri, punime hekuri etj) ne zonat industriale. Per kete qellim te bashkepunoje me AKM
- Te raportoje periodikisht (cdo dhjetor) ne kuader te programit te monitorimit mjedisor te Planit;

Detyrime dhe sanksione:

- › Pavarsisht masave dhe rekomandimeve te kesaj Deklarate Mjedisore, gjate zbatimit te planit eshte e detyrueshme te zbatohen kerkesat e legjislacionit mjedisor ne fuqi;
- › Shfaqja e elementeve te rinj ekologjike te panjohur, ne kohen qe kjo Deklarate Mjedisore eshte dhene, sjell si detyrim rivleresimin e saj.
- › Nese plani nuk eshte miratuar brenda 2 viteve nga data e miratimit te deklarates, atehere deklarata behet e pavlefshme dhe procedura e VSM-se fillon nga e para.
- › Ne rast se ministria, strukturat e saj te varesise, njesite e qeverisjes vendore apo edhe grupet e interesuara, perfshi edhe publikun, konstatojne se plani nuk zbatohet ne perputhje me vendimin per miratimin e tyre dhe nuk respektojne kushtet e kerkesat e

percaktuara per mbrojtjen e mjedisit, atehere ministria njofton menjehere autoritetin pergjegjes per zbatimin e miratimin e planit dhe, sipas rrethanave, i kerkon sqarimet perkatese apo ndalimin e menjehershem te zbatimit deri ne sqarimin e situates.

- › Nese pasojat ne mjedis e shendet, tejkalojne standardet mjedisore ne fuqi, atehere ministria i kerkon autoritetit miratues e propozues te merren masat e duhura apo te konsiderohet edhe ndryshimi i planit, me qellim qe te permbushen standardet mjedisore.
- › Per mos respektimin e detyrimeve qe rrjedhin nga kjo Deklarate Mjedisore dhe te legjislacionit mjedisor ne fuqi ka sanksione ligjore.

Lefter KOKA



MINISTRI

